



Agangan Naebunit Kotoma Akuju

Nuiteemonokit Watson Goodman

Lotaai—Mere Logwelara

AGANGAN NAEBUNIT KOTOMA AKUJU

“Agangan Naebunit Kotoma Akuju” erai atukonokineta nukikokoron nuejaas toma atu tube ta nuegelegela kotoma o Baibuli. Eyunit eoŋ ebe akiro kere nuelemitai erai Ebaibuli elopet.

Akirot naka edeke ebunit kotoma akuju, aigang itauon lueriebi etengei, kaluejakit akure kanukadolit. Arai kitoronikin etunganan, kosac aroniske, enyarauni ŋes Ejakait Yesu Kristo aiboi kotauke, i do i yuun ŋes kotauke ebe Yesu Kristo ŋes Alakunanke. Ebuni Ejakait aitijenikin ŋes, ainun aiyalama kede kainapakin toma otau kaloiyunit. Abu eoŋ kamisik aijulakinetna kokaru 1937 ido mamu eoŋ abilit aimorikikina kede k'Ejakait ameun apengo. Elipit eoŋ ijo aijaikin akonijaar ŋes kwape eketajaran kon ido Ejakait lolo. Arai mamu ijo iswamat nu.

—Watson Goodman (1920-2002)

AMINA NAKA EDEKE

Konye iturit Edeke akemin mamawok, naarai nakirokor kirai ikadiakanarak abu Kristo kotwanik oni.

—Iromayon 5:8

Kosodi eriña edolo epucit loka Aleleñ, kejeni Yesu ebe adolu ekesawa loenyounio kakwapin kanu alosit mama ejai Papa, kemina ɳesi iketuna lukejaas akwapin, komina kes aitodol awasia.

—Yokana 13:1

Emamei yenejaas kamin naepol aitelekarit na, ituñanan ainakin akeijar kanuka ipaperoke.

—Yokana 15:13

Ido kama ejai Yesu Kristo, ekajenan lomunot, ekiyai loka ikatwak, ekayaiton da loka ikaikan luka akwapin. Mama ejai ɳol lokimina oni, lokilacuni da kotoma adiakanaretawok kanuka aokotoke.

—Apukokinio 1:5

Naarai komina Edeke akwapin kwanata, abu koinak Okokuke loteluna, tetere ɳinituñanan yeniyuuni ɳes kinye aolior, konye kojaas kaijar naka ikar kere.

—Yokana 3:16

Abu EJAKAIT ketakanikin kolosek, ebe, Eebo, kekilakina jo kamin namam edaun; ɳes keriunia jo kasianut-nakamin.

—Yeremia 31:3

AIJARA NAKA YESU KRISTO

Ido komamei abuonokin, epol noi aiyeiyea naka ayoñit Edeke: Abu kitodiar kotoma akuan, kitojokai kotoma Omoyo, apotu imalai-kan koanyut ñes, aponi kolimonokinai kotoma atekerin, aponi kiyuunai kotoma akwapin, kodakarai kuju toma aibuses. —1 Timoteo 3:16

Kageunet ajai Akirot, ajai Akirot mama ejai Edeke, korai Akirot Edeke. . . Koraun akirot akuan, kiboirororoi kamawok, . . . ileleba asia-nut ka abeit.

—Yokana 1:1 ka 14

Iswamatai nu kere, tetere edoli akirot naene-rit Ejakait kama ka enabi ebe: Koany, epotuuni abekot, idouni ikoku yenisapat, Emaikinete ekekiror Imanuel. (apolouke ebe, Edeke ejai kaoni).

—Matayo 1:22, 23

Kirai eoñ ka Papa ipe.

—Yokana 10:30

Kotema Yesu atiar, Ajai lem eoñ kayes apak naetia nen kere, mam jo da kijeni eoñ, Pilip? Yenikaanyunit eoñ, eanyunit Papa; aso biai bo ibalar ijo ebe, Kitodikinai Papa? Mam kerekia jo iyuunit ebe ajai eoñ toma Papa, Papa da toma-kañ?

—Yokana 14:9, 10i

YESU OKOKU LOKAEDEKE

Arai elimori ituñanan ebe Yesu ḥes Okoku loka Edeke, esali Edeke tomaken, ḥes da toma Edeke. —1 Yokana 4:15

Koboñok emalaika ḥes ebe, Kidoikini jo Emoy Lokalaunan, kirapiari agogoñ naka Je loejai kuju kakuj; kanuka ḥun yeneuruunio enyarao yenikalaunan, Okoku loka Edeke. —Luka 1:35

Naarai kiwurikinitai oni ikoku, Kiinakinitai oni ikoku yenisapat: Ejaenena rwaru airum okeperike: Ekekiror da enyarao Lokaumokin, Ekapetan akiro, Edeke Lokagogoñ, Papa lomam edaun, Ekapolon loka Ainapakin.

—Isaia 9:6

Napekinerar ḥun, koany, kiteribo kes edou loemilia; ido koany, kolom eporoto kotoma odou kobala ebe, Lo ḥes Okokuka lominat, loalelakinit noi; kiirasi ḥes. —Matayo 17:5

... Yesu ḥes atiar, Iany ḥes, ḥes ḥol loineras kajo. —Yokana 9:37

Naarai kotomakeñ (Yesu Kristo) iboie aitekoró kere naka Eidekeone kakuan. —Ikolosain 2:9

KITIJENIKIT YESU ONI NGAIBO NESI

Kotema kes atiar, Iraas yesi lukokwap, arai eoŋ lokokuju; iraas yesi luka akwapin kanu; mam eoŋ arai loka akwapin kanu. . . . Kotema Yesu kes atiar, Abeit, abeit, katemari yes atiar, Eroko Aburaam ejauna, ajai eoŋ.

—Yokana 8:23 ka 58

Kotema aberu ŋes atiar, Ajeni ebe ebunit Mesia (ŋol loenyaritai Kristo); naebunio ŋesi kipukokini sio akiro kere. —Yokana 4:25, 26

Kotema Yesu kes atiar, Arai eoŋ inyamat luka aijar; ŋin yenebuni mamakaŋ mam cut eriebi etenei, ŋin da yenikeyuuni eoŋ mam cut ejakenenei akur. —Yokana 6:35

Naajaar eoŋ akwapin, arai eoŋ aica naka akwapin. —Yokana 9:5

Kolimok Yesu kes bobo ebe, Abeit, abeit, katemari yes atiar, arai eoŋ erute loka amerekekin. —Yokana 10:7

Kotema Yesu ŋes atiar, Arai eoŋ ajarun ka aijar da; ŋin yenikeyuuni eoŋ, karaida ketwana, ejari. —Yokana 11:25

Kinyarito eoŋ Ekesisionakinan ka Ejakait da; inerasi yesi kotenan, naarai arai eoŋ kwaŋin. —Yokana 13:13

AUMONOKINETA ACE NUABU YESU KISWAMA

Kicorak ikodeta aiboikin anya; kolem imugatin lukany, ka lukecor luarei, kosesen akuj, kisirereŋ, kobilibil imugatin, koinak ikesisiak, koinakis ikesisiak da ikodeta. Konyama kere kimonikinos. Kotukonokinai atutubeta nuabilibila nuasalete iditai itomon ka luarei ileleba. Luyenyamete emwaasi bala ikiliok ilukumin ikany, kilema aŋor ka idwe. —Matayo 14:19-21

Koboŋok Simon kotema atiar, Ejakait, kipou ketaaritos akuare kiya, komam kidumuni idibore: konye kanuka akonikirot, acakakini bo iboyan. Kedaut aswam ŋun, kipokata iboro lukecor luipu noi: kokotosi ikeceboyan aŋed.

—Luka 5:5, 6

Ido koany, kiboiete imudukiok iarei kariri kerot, nakiirariata kesi ebe itorit Yesu, kiworoto, kotemasi atiar, Kitimo, Ejakait, Okoku loka Daudi! . . . (Yesu kobala ebe,) Ikotos keswamakis inyo? Kotemasi atiar, Ejakait, kikoto kitwenky akosikonye. Kitim Yesu kes, kotiro akecekonye, atipet kokwenyut, kotupasi ŋes.

—Matayo 20:30 ka 32ii-34

YESU KRISTO NGES LOKASUBAN KA EJAKAIT

**Naarai kotomakeŋ ŋes kesubere iboro kere,
luejaas toma akuj, ka luejaas toma akwap,
luetakanete ka lumam etakanete, arai iicoloŋo
lukajakanuto, arai ijaka, arai ikayaitok, arai
lukapolou,—kesubio iboro kere kotomakeŋ ido
kanukeŋ.**

—Ikolosain 1:16

**Kesubio iboro kere kanukeŋ; kemamei ŋesi
mam kesubi ibore kere yenikesubio.**

—Yokana 1:3

**Edeke . . . konye kapaarasia kanu nukawasia
ener kaoni kotoma Okoku, loabu kodakak
araun ekeruman loka kere, kanukeŋ da abu
kosub akwapisinei.**

—Iburanian 1:2

**Aso kojen ekek kere loka Isirael kabeit ebe
etarau Edeke ŋes Ejakait ka Kristo da, ŋes
Yesu loipotu kibubukis.**

—Aswamisio 2:36

**Naarai abu Kristo kotwana kojaru da tetere
eraun Ejakait loka lukatwak ka lukajarak da.**

—Iromayon 14:9

**Erai Edeke lomunot, lokinyarauni yes
alomun oidicane loka Okokuke, Yesu Kristo
Ejakaitiwok.**

—1 Ikorinton 1:9

YESU KRISTO NGES LOKATUBON KAKERE

Konye jo, kanukinyo itubokinia onacekon?
Ijo da, kanukinyo imenitor onacekon? Naarai
kibwoi rwaru kere kakonyen nuka eicolon loka
aitub loka Edeke. —Iromayon 14:10

Kecorak jo jokan kakonyen nuka Edeke, ka-
konyen da nuka Kristo Yesu loebuni airabakin
ikajarak ka ikatwak da, kanuka atakanunike
ka akejakanut. —2 Timoteo 4:1

Naebunio Okoku loka etuñanan kotoma aibu-
sesuke, ka imalaikan da kere nepepe kañes,
iboikini oicolojoke loka aibuses; etukonokinos
atekerin kere akonyeneke, etiakatiakai ñesi kes
kwape etiakatiakaa ekecokon amerekekin ka
akinei. —Matayo 25:31, 32

Mam Papa etubokini idiotuñanan kere akiro,
konye ainak Okoku etube kere. —Yokana 5:22

Kapaaran naetubokinia Edeke nukaiyeiyea
nuka ituña kama ka Yesu Kristo kwape ejaatar
Akiro Nukajokak nuketitiñitai eoñ.

—Iromayon 2:16

Kicorak sio kalimonokis ituña, ka aitejenun
da ebe ñol ñes lokedakakini Edeke araut ekatu-
bon loka ikajarak ka ikatwak da.

—Aswamisio 10:42

ALAKUNIO EBUNIT KANEJAI KRISTO

Arai eoŋ erute; arai kitoro ituŋanan mama-kaŋ, itajario, elomari ka alomun, edumuni da erony.

—Yokana 10:9

Kotema Yesu atiar, Arai eoŋ erot, ka abeit, ka aijar da; emamei yenebuni mama ejai Papa, dimikito itorit tomakaŋ.

—Yokana 14:6

Kanuka ɳun kalimokis yes ebe itwakete kotoma adiakanaretakus; naarai arai mam iyuunito ebe arai eoŋ, itwakete kotoma adiaka-naretakus.

—Yokana 8:24

Kosodi nakedaunia aitodolikinio, korau loeinakini ɳul kere luerimarete ɳes aitajario naka ikar kere.

—Iburanian 5:9

Akesianut naeinakini atitai ɳes itojokit kes araut luedolito, kanuka alakunio naejai toma Kristo Yesu.

—Iromayon 3:24

Kanuka ɳun ɳes epedoria aitajar cut luepote mama ejai Edeke kotomakeŋ, naarai ebusi ɳesi apaarasia kere apuronokin kes.

—Iburanian 7:25

Kwabo emamei aitajar kotoma ece kere: naa-rai emamei ecekiror kokwap kakuj loeinakinitai ituŋa, loibusakinitor oni aitajario.

—Aswamisio 4:12

ALAKUNIO EBUNIT KANEJAI KRISTO

**Konye kanukeñ ijaut yes toma Kristo Yesu,
loabu Edeke kituluo awokocoa, ka adolit, ka
aitalaunio, ka alakunio da.** —1 Ikorinton 1:30

**Loabu koinakin bon kanuwok, tetere kilaku-
ni oni kama kepali kere, ka aitalaun kanukeñ
ituñake obe, luekokakinito aswamisio nuejok.**

—Tito 2:14

**Kimalaenenete Papa lokitubusikinit oni
aimor kairumet naka lukalaunak kotoma aica.
Abu ɳesi kolaku oni alemar kapolou naka amu-
ton, kisibwot alomar ajakanut naka Okokuke
lominat. Kija kalakunio kotomakeñ, ɳes aisia-
nio naka adiakanareta.** —Ikolosain 1:12-14

**Naarai abu Okoku loka etuñanan amoot ka
aitajar yenikeoliorit.** —Luka 19:10

**Koyooto ekosio lokitetet, ebe, Ibusakinit ijo
alemun eitabo, ka apukor da aipucetake, Naa-
rai aponi koari, kogwelak Edeke kaokotokon
ɳiniteker, ka aŋajep, ka ituña, ka ajena.**

—Apukokinio 5:9

AITULUCIO NUKAOKOT KA KRISTO

Aso aitelekariit noi kiidau kwana aitojokio kota
toma akeokot, kitajario da kanukeñ alemunio
kama ejai anyunyura. —Iromayon 5:9

Kotomakeñ ñes kidumunia alakunio kanuka
akeokot, isioniei aibucanaretawok, kwape ejaar
abar naka akesianut. —Ipeson 1:7

Naarai nu kes akaokot nuka aitutuket, nue-
bukoros kanuka ikepuak alemar aronisio.

—Matayo 26:28

Kojenete ebe mam aponi kolakun yes kiboro
luedaunos, kwape epuesa arai esabu, kopone-
siokus lutai lukirokunete kama kalukapapaa-
kus, dimarai kaokot nuketiai loepol nuka
Kristo, kwape nuka imerekkek yenemamei
anjwal, karaida akemer. —1 Petero 1:18, 19

Konye arai kilosenenei kotoma aica, kwape
ejaar ñesi toma aica, kidicenena bonik ka bonik,
ido kitesegarete oni aokot nuka Yesu Okokuke
kama kadiakar kere. —1 Yokana 1:7

Itelekarito cama aokot nuka Kristo, lokeina-
kin bon mama ejai Edeke kotoma Omoyo loka
ikar kere, araun asubanit naemamei akemer,
itesegarete aomisiokus kaswamisio nukatwak
tetere ijaanakinete Edeke lokajaran.

—Iburanian 9:14

AITAJARIO EBUNI KAIYUUN KRISTO

Naarai asianut ŋes kitajari yes kanuka aiyuun; kwabo mam kebuni kamakus, ŋes ainakinet naka Edeke, mam kebuni kanuka aswamisio, kinyek ituŋanan kere aolobobotor.

—Ipeson 2:8, 9

Aso naarai kitojokitai araun luedolito kanuka aiyuun, kajaut kainapakin mama ejai Edeke kanuka Ejakaitiwok Yesu Kristo.—Iromayon 5:1

Naarai kotoma Kristo Yesu mam akepio epe-dori ibore, karaida amamus akepio, dimarai aiyuun naiswamai kanuka amin. —Igalatian 5:6

... Kiyuu Ejakait Yesu, kitajario jo ka lukokalekon kere. —Aswamisio 16:31

Naarai ŋin kere yeneurio kama ejai Edeke ipikori akwapin; na ŋes aipikor naipikori akwapin, aiyuuniwok. —1 Yokana 5:4

Kosodete kotemasi ŋes atiar, Kikonakini ai tetere kiswamai aswamisio nuka Edeke? Kobo-ŋok Yesu kotema kes atiar, Na ŋes aswam naka Edeke, kiyuut ŋol lokijukuni ŋesi.

—Yokana 6:28, 29

Konye iwadikatai nu tetere iyuunete yesi ebe Yesu ŋes Kristo, Okoku loka Edeke, ido kanuka aiyuun ŋin kojaut kaijar kokirorikeŋ.

—Yokana 20:31

AITIM NAKAEDEKE

Naarai kwape ejaar akuj kuju noi akwap, epol kwaŋin akeitim mama ejaas lueyonjito ŋes. . . . Konye aitim naka EJAKAIT ejai ameun apaarsia nuŋo kiton apaarasia kere mama ejaas ŋul lueyonjito ŋes, akedolit da mama ejaas idwe luka idwe.

—Isabulin 103:11, 17

Kituritete Edeke Papa loka Ejakaitiwok Yesu Kristo, Papa loka aitim, Edeke da loka aitalakar kere.

—2 Ikorinton 1:3

Inai bo Edeke loiputos kajo, loisioniei numamadolit, loinaci aibucar naka aatonjot naka airumeteke? Mam enyunyuranakinenei ikar kere, naarai isiyalamikinit aitim.

—Mika 7:18

Naarai epol akoniitim kokuju kakuj, akonibeit da edolit akuj.

—Isabulin 108:4

Mam enaŋi aitim naka EJAKAIT, naarai mam inorari aisionike. Itet ŋinitupuruc, epol akonimunonut.

—Akuudian 3:22, 23

Abu kitajar oni, mere kanuka aswamisio nukiswamat kadolit, dimarai kwape ejaar akeitim, kanuka ailotario naka aurio nakiareit ka aisiteteunio naka Emoyo Lokalaunan.

—Tito 3:5

KINYARIT ONI EDEKE MAMAKENG

**Inera EJAKAIT ebe: Kopotu ca do, kenerutu:
karaida kereŋak adiakanaretakus be, ekwaŋuu-
nete kwape kakile; karaida kireremata kwape
kaokot, iliacaunete kwape ka epaaba.** —Isaia 1:18

**Ebalas Emoyo ka ateran ebe, Bia. Yenepupu-
ni da kobala ebe, Bia. Nin da yenejakit akure
kobu; yenekoto kooko atai akipi nuka aijar.**

—Apukokinio 22:17

**Yesi ba, ḷinidiopet yenejakit akur, kopotu ye-
si neejaas akip, ḷin da yenemameete apesan:
kopotu yesi, kogwela konyama; eebo, kopotu,
kogwela ebino ka akile komameete apesan, ko-
mamei da etiai.**

—Isaia 55:1

**Kosodi kapaaran nakawasia naka epucit, ḷes
apaaran nakapolon, kobwo Yesu kiworo ebe,
Arai kejak ituŋanan akur, kobu mamakaŋ ko-
mat.**

—Yokana 7:37

**Konye nakeanyunia Yesu kokadak noi, kote-
ma kes atiar, Kocamutu idwe ludidik abunore
mama ajai, sirikisimika kes; naarai lueputos ka-
lu ajakanut naka Edeke erai nakec.**

—Marako 10:14

**Kopotu neajai, yes kere luitaaritos ka lukila-
ŋirikinito, eoŋ da kesiyeŋuni yes.** —Matayo 11:28

MAMU ITUNGA KERE ERASI IDWE LUKA EDEKE

Kana ŋes etakanuniata idwe luka Edeke ka idwe luka Satan; ŋin kere yenimam iswamai nukadolit mam erai yenika Edeke, karaida yenimam emin onaceke.

—1 Yokana 3:10

Naarai kere luiŋarenikinit Emoyo loka Edeke, ŋul kes odwe luka Edeke. Naarai mam idumunito emoyo loka ebulesene aboŋor bobo akurian, dimarai idumunito emoyo loka araun odwe. Kanuka ŋol kimonya ebe, Abba! Papa!

—Iromayon 8:14, 15

Tetere iraas idwe luka Edeke luemamei aitoronet, luiyapaara, luemamei akemer koki-din katur kanamagul, ka naepaarit, naitakania-ta bala aica kotoma akwapin.

—Ipilipin 2:15

Kanuka ŋun ebala Ejakait ebe, konyoutu kokidinikec, kotaikas kakes, sirikitirosi ibore yenimam elai; Kesukunyuni eoŋ da yes. Ebala Ejakait Lokapedor kere ebe, araun eoŋ Papa kamakus, yes da iraunos ikadwe lusap ka luper-sur.

—2 Ikorinton 6:17, 18

Konye ŋul kere lukisukunyunete ŋes, koinak apedor araut idwe luka Edeke, kes ŋul luiyuunto ekekivor.

—Yokana 1:12

NUINERA EDEKE KIMATAN KALUEGOGONG

Aso ideleleete aswamisio nuka akuan, kes nupenu: adoteu, asilianut, abenyanut, aima aputosia, ecudet, asurup, epeget, ekokote, anyunyura, aŋolopa, atiakara, irioneta, alilit, emeret, eraŋa, ka nuikote nen da. Kotoma kaŋun kekwenya yes kwape abu kekwenyaritor ebe, luiswamaete nuikote nen mam irumete ajakanut naka Edeke.

—Igalatian 5:19-21

Kalosenenete kebusak kwape paaran, mere kotoma aboliasio ka emeret, mere kotoma adoteu ka abenyanut, mere kotoma aŋolopa ka ekokote, konye konapa Ejakait Yesu Kristo, kwabo siribuakinito akuan aitodol nuimiela.

—Iromayon 13:13, 14

Itukwi ŋul luedilonokinete akwenyun tupuruc, airi nuitemerete; luimododoete aitodol ebai, kisibwaŋarete ajon!

—Isaia 5:11

Siriseseni ajon nueupapanata, kitodias aputokec kotoma adere, naijililiarotor. Kokau kitodete bala emun, kiswalarete bala emusaga.

—Awaragasia 23:31, 32

AMUNOKINA BON MAMU EDAUNIT

Kotema ŋes atiar, Komina Ejakait Ekonide-
ke kekonitau kere, ka akonijjar kere, ka akoni-
coa da kere. Na ŋes aicorakinet nakapolon na-
sodit.

—Matayo 22:37, 38

... Ekesianakinan lokajokan, keswama
anyoika tetere erumi aijar naka ikar kere? Ko-
tema Yesu ŋes atiar, Kanukinyo kinyaraaa eoŋ
lokajokan? Emamei yenikajokan dimarai edio-
pet, ŋes Edeke. Ijeni aicorakineta ebe, Siriari,
Siridote, Sirikokoi, Sirisabanakinenei, Sirirodi,
Koyoŋitenenei papakon ka totokon. Kotema
ŋes atiar, Ekesianakinan, aricit ŋun kere
ameun keiditeuka. Kosesen Yesu ŋes komina,
kotema atiar, Kiwolik adiopekirot: kolot, kog-
wela luijaatar kere, kokoranak lukican, ijaune-
te moolo kabar kotoma akuj: kosodi kobu ko-
tup eoŋ. Konyorididior ereeteke kanuka akirot
kaŋin, kolot itururwei: naarai kejaas iboro
luipu.

—Marako 10:17-22

Ejai erot loeomit etuŋanan bon ebe ejok, ko-
nye osaŋeke kes irotin luka atwanare.

—Awaragasia 16:25

SIRIKINALAS

Sirikiñalas; mam Edeke isekelio, naarai lueyei ituñanan, ɳupeñul esaki da. —Igalatian 6:7

Idwe ludidik, kinyek ituñanan aitapaar yes. Yenismamai nukadolit erai yenedolit, kwape eraar ɳol loedolit. Yenismamai adiakar erai ynika Satan, naarai ediakit Satan ameun kageunet.

—1 Yokana 3:7, 8i

Mam kereka ijenete ebe lumam edolito mam irumete ajakanut naka Edeke? Sirikiñalas; karaida idotea, karaida luemaete aputosia, karaida lueeloko, karaida ikiliok luituluoros bala anor, karaida iketepak ikiliok, karaida ikokolak, karaida ikerañak, karaida ikamerak, karaida ikamoromorok, karaida ikañatak, mam irumete ajakanut naka Edeke. —1 Ikorinton 6:9, 10

Kinyek ituñanan aiñalañal yes kakiro nuemameete, naarai kanuka ɳun ɳes ebunokinia anyuñura naka Edeke odwe luiulaka. —Ipeson 5:6

Konye koraas ikeswamak akirot, kwabo mere ikeirarak bon, luimodas. —Yakob 1:22

Naarai arai ewomit idiotuñanan ebe erai ibore, kwabo mam erai ibore, iñala bon.

—Igalatian 6:3

ARONIS EYANGAUNI ATWANARE

Kanuka ɳun kwape kelomunia adiakanar akwapin kanuka etuŋanan ediopet, kolom da atwanare kanuka adiakar, kwaŋin kodolok atwanare otuŋa kere, naarai apotu kere kodikasi.

—Iromayon 5:12

Kosodi kepotuu eimiel euriei adiakar, adiakar ɳin da kepoloor idouni atwanare. —Yakob 1:15

Naarai aomit naka akuan ɳes atwanare, konye aomit naka Emoyo ɳes aijar ka ainapakin. Kanuka ɳun aomit naka akuan ɳes aitusurup Edeke; naarai mam enonokikinit ikisila luka Edeke, kwabo mam epedori anonokikin.

—Iromayon 8:6, 7

Etau loeswamai aronis, ɳes etwani. Mam iku ibwoki numamadolit nuka papake, kwabo mam papake ibwoki numamadolit nuka okokuke; ejaunadolit naka ikadoliton mamakeŋ, ejaun da aronis naka ikaronon mamakeŋ.

—Esekiel 18:20

Ibusakinit alakar ka aiyalamikin, naarai onacekon ɳol abu kotwana, ajaru bobo; aoliorit, atakanu bobo.

—Luka 15:32

ɳol loiketakina kadolit edumuni aijar: ɳol da loetupari aronis earakini bon. —Awaragasia 11:19

ABU KRISTO KIPIKO ATWANARE

Loedakakinitai araut Okoku loka Edeke ka-pedor kwape ejaar Emoyo loka Alaunit, kanu-ka ajarun kokatwak. —Iromayon 1:4

Nakedaunia einer ŋun, kiworo keporoto loe-pol ebe, Lasaro, kolom. Kolom lokatwan, eeni-tai akanin ka akeje kigoen luka aida; eenitai akekonye da keitabala. Kotema Yesu kes atiar, Kolacasi ŋes, koosikis kolot. —Yokana 11:43, 44

Kikunyak kotiro ekirigi lokibwokitere, kob-wout lukibwokito. Kotema atiar, Etelepat, ka-temari jo atiar, Konyou. Kiboikin lokatwan ko-geu einer. —Luka 7:14, 15i

Kanuka na kamina Papa, naarai ejaikini akai-jar, tetere alemuni bobo. Emamei ituŋanan ye-nikademari, konye ejaikini eoŋ elopet. Ejai eoŋ apedor naka aijaikin, ejai da apedor alemun bo-bo; adumunit aicorakinet na kama ejai Papaka. —Yokana 10:17, 18

Ido Lokajaran; abu katwanite, ido koany ajari ikar ka ikar, ajai kilaceta luka Atwanare ka luka Okatwak. —Apukokinio 1:18

ICORAKINA LUK'EDEKE

Sirijaenena kicedekesio nabarai Eoŋ.

Sirikisub adioput naegerer, karaida asima naka ibore kere yenejai kuju toma akuj, karaida yenejai kwap toma alup, karaida yenejai toma aki pi nuejaas kwap kalup: Sirikukonokin kes, karaida aijaanakin kes

Sirilimit atai ekiror loka EJAKAIT Ekonideke; naarai mam EJAKAIT isikai aitetelekar akirot, ḥin yenelimit atai ekekiror.

Koricite apaaran nakasabato, aitalaun ḥes, kwape kicorakinia jo EJAKAIT Ekonideke. Kitaaritoi apaarasia akanyake, kiswama akoniswamisio kere:

Koyonitenenei papakon ka totokon, kwape kicorakinia jo EJAKAIT Ekonideke

Siriarenenei.

Karaida adotenen.

Karaida akokoenen.

Karaida asabanakin ikoniidunyet.

Karaida aiŋobelenen aberu naka eidunyete-
kon; karaida eimiel etogo loka eidunyete-
kon, alupoke, arai ekekejaanakinan, arai akekeja-
nakinan, ekemoŋ, arai akesigiria, arai ibore ke-
re yenerai yenika eidunyete-
kon. —Ikisila 5:7-21

MAMU IPEDORI AÑOPIKIN EDEKE

Naarai esesenete akekonye irotin luka ituñanan, ido eanyuni alositoke kere. Emamei amuton, karaida etoribe loka atwanare, neepedoriata lukeswamak numamadolit aiñop.

—Yob 34:21, 22

Ebala EJAKAIT ebe, Epedori kerekaituñanan aiñop kotoma aiboisio nukaiyeiyea komam eoñ apedori aanyun? Ebala EJAKAIT ebe, Mam tope eoñ eleleba akuj ka akwap? —Yeremia 23:24

Arai kadoka kuju, ijai ijo nen: Arai kapesik akaperit toma Okatwak, koany, ijai ijo nen da. . . Mam amuton kiñopikini jo, konye ecai akuare kwape kapaaran: eputos amuton ka aica kamakon.

—Isabulin 139:8 ka 12

Ejaas akonye nuka EJAKAIT ḥiniibois, Ire-reete aronis ka ajokis.

—Awaragasia 15:3

Kwabo emamei isubat yenimam etakani kakonyeneke, konye imujalalas iboro kere, ido ideleleete kakonyen nuka ḥol loejaas akirowok.

—Iburanian 4:13

Naarai emamei akirot naibwaitai, namam ikujunio, karaida naimunonitai namam ejenu-nio ka aikujunio.

—Luka 8:17

AITICANIO NAMAMU EDAUNI NAKA KALUKADIAKANARAK

Ijukuni Okoku loka etuñanan ikemalaikan, etukonokinate kotoma ajakanutuke kere nuitkainete kere, ka luiswamaete nukepali, eca-kakinete oupa loka akim; ejaun kañina aimony ka airiamanakin ikel. —Matayo 13:41, 42

Eboñorete ikaronok Okatwak, kes atekerin kere nuemurwokis Edeke. —Isabulin 9:17

Konye ijadakinitai akuj ka akwap nukatine-nikwana akim, kanuka akirot kañin, idaritere kiton apaaran naka atubokinio ka amudiario naka ituña lumam eyoñito Edeke.

—2 Petero 3:7

Egelitikec ñes amudiario naka ikar kere, enyounete kakonyen nuka Ejakait, ka aibuses naka agogoñuke da. —2 Isesalonikan 1:9

Arai kiidupo jo akonikan, arai akonikeju, kotubo, kocaka; ejok jo alomar toma aijar iñwalit arai icodo, itia acakakinio akim namam eduñei, ijaas kakanin aarei arai akeje aarei.

—Matayo 18:8

Elosete ñul alomar toma aiticanio naka ikar kere, konye luedolito eloñete toma aijar naka ikar kere. —Matayo 25:46

EBUNIT ATUBOKINIO

Naarai abu kibwaik apaaran naebunio atubokin akwapin kadolit, kotuñanan loaseunit; ido itogogonit ḥun mama ejaas ituña kere, kanuka aitajarun ḥes kokatwak. —Aswamisio 17:31

Ejeni Ejakait ayuun lueyoñito Edeke kotoma acodunio, ka aidar lumam edolito kiticanete kiton apaaran naka atubokinio. —2 Petero 2:9

Kana ḥes apolooror amin nepepe kaoni, tete-re kija katitiñ kapaaran naka aitub akiro; naa-rai kwape eraar ḥesi, kirai oni da kwañin toma akwapin nu. —1 Yokana 4:17

Ido kwape itemokinitere ituña atwanare ir-wan atipet, kosodi akaulo kañin atubokinio.
—Iburanian 9:27

Kopukoroi eceitabo da, loerai loka aijar. Ko-tubokinai lukatwak kotoma ḥun kanuewadi-katai oitabon kwape kejaatar aswamisiokec.

—Apukokinio 20:12ii

Naarai kibusakinit kere atakanun koiñaren keicolon loka aitub loka Kristo; kodum ḥinituñanan nukiswamai akuanake, . . . arai nuejok arai nueroko. —2 Ikorinton 5:10

Aso do inera ḥinituñanan kaoni akekiro ilo-pet kakonyen nuka Edeke. —Iromayon 14:12

ASIANUT NAKA YESU KRISTO

Konye ainakinet mam eputos kaibucaret. Naarai arai apotu luipu kotwaka kanuka aibucaret naka ediopet, aitelekarit noi epoloor asianut naka Edeke ka ainakinet naejai toma asianut naka etuñanan ediopet Yesu Kristo, kanuka luipu.

—Iromayon 5:15

Aso do mere kanuka loekot karaida loekeri, dimarai kanuka aitim naka Edeke.

—Iromayon 9:16

... Edeke luiwoñoko, konye einakini luitasonos asianut.

—1 Petero 5:5ii

Naarai ijenete asianut naka Ejakaitiwok Yesu Kristo, karaida kerai lokabaran, konye korau lokican kanukus, tetere kitabari yes kanuka icanike.

—2 Ikorinton 8:9

Kimalai Edeke kanuka ainakineteke namam epedorio aitejenun!

—2 Ikorinton 9:15

Konye nekiyatakinor adiakar, abu asianut kodepa noi noi, tetere kwape erumitor adiakar kotoma atwanare, kwape kwañin irumi asianut kanukaadolit kiton aijar naka ikar kere kanuka Yesu Kristo Ejakaitiwok.—Iromayon 5:20ii, 21

Kitejenut ikiyakia ajarun naka Ejakait Yesu kapedor naepol, kojai asianut naepol mamakec kere.

—Aswamisio 4:33

AITORONIKINI

Mam abu Edeke kosesenenei apakio nuka aolit, konye kwana icorakini ituña kere luejaas aiboisio kere aisilar. —Aswamisio 17:30

Katemari yes atiar, Mam; konye arai mam yes itoronikinos, imudiaros kere kwape kwañin. —Luka 13:3

Ebala ebe, Kitoronikinos; naarai aapu ajakanut naka akuj. —Matayo 3:2

Kotema Petero atiar, Kitoronikinos, kibatisaunos, ɻinituñanan kayesi, kokiror loka Yesu Kristo, kanuka aisionio naka adiakanaretakus; kiinakinio ainakinet naka Emoyo Lokalaunan. Aso do kitoronikinos, kibelokinos, komwatarai akusidiakanareta, tetere edolete apakio nuka aisikwarunio nuepote kama ejai Ejakait.

—Aswamisio 2:38; 3:19

Kocakasi neelwana akusipaar kere nuipaarto. —Esekiel 18:31i

Loibwai aibucaretake mam ekerianari: Konye ɻol loelimori kosodi aisac edumuni aitimio.

—Awaragasia 28:13

Naarai aiturur mama ejai Edeke iswamai aitoronikin, kiton aitajario namam iitokin, konye aiturur naka akwap iswamai atwanare.

—2 Ikorinton 7:10

AISIONIO NUKADIAKANARETA

Konye arai kibelokin yenikaronon kotoma aronisioke kere nueswamat, koric ikakisilaka kere, kiswama nuicorakinio nuibusakinito, abeit ejari, mam etwani.

—Esekiel 18:21

Kojal ikaronon ekerot, yenimam adulit da akeomisio: Koboṇu mama ejai EJAKAIT, itimi ȳes; mama ejai Edekewok, naarai isionie noi.

—Isaia 55:7

Naarai arai isioniete yesi luce akeceibucanareta, Papakus da lokotoma akuj kisionie yes. Konye arai mam yes isioniete luce akeceibucanareta, Papakus da mam kisionie yes akusiibucanareta.

—Matayo 6:14

Nakeanyunia Yesu akeceiyuun, kotema loka-senyan atiar, Okokuka, esionii akonidiakanareta.

—Marako 2:5

... kotoma otuñanan kaṇol elimonokinio yes aisionio naka adiakanareta; ... Etopoloo Edeke ȳes kakanike nakoteten korau Lokapolon ka Eketajaran, koinak Isirael aitoronokin ka aisionio adiakanareta.

—Aswamisio 13:38b; 5:31

Koany, abwoi kokek ekuñukuṇi; arai epupi ituñanan kere ekaporoto, koṇaa da ekek, alo-mari mamakeṇ, amori nepepe kaṇes, ȳes da keoṇ.

—Apukokinio 3:20

ATIAKAKINI KEDE KAKWAPIN

Naarai atakanu asianut naka Edeke einunit ituña kere aitajario, kituutoori oni ebe, kañero-to amamus ayonit Edeke, ka aiñobel naka akwapin, kajarata kacoit, ka adolit, ka ayonit da Edeke, kotoma okar luka kwana. —Tito 2:11, 12

Koomoomoete nuejaas kuju, kwabo mere
nuejaas akwap. —Ikolosain 3:2

Kwabo siridicasi kaswamisio numam eraete,
nuka amuton, konye kitoronata kes.

—Ipeson 5:11

Siriminas akwapin, karaida iboro luejaas toma akwapin. Arai emina ituñanan akwapin, emamei amin naka Papa kotomakeñ. Naarai ibore kere yenejai toma akwapin, aiñobel naka akuan, aiñobel naka akonye, ka eitur da loka aijar kana, mam elomunete kaneejai Papa, dimarai elomunete kakwapin. —1 Yokana 2:15, 16

Yes añor nudotea, mam ijenete ebe aipape-rokin kakwapin ñes asurup ka Edeke? Aso ituñanan kere yenekot araun ipapero yenika akwapin ituluor yenikasurup yenika Edeke.

—Yakob 4:4

Kilota, kitalaunos; kolemasi aronis naka aswamisiokus kakonyeneka; kinyeis aswam aronis. —Isaia 1:16

AURIO NAKITETE

Kainakinete etau lokitetet, ebwaikini emoyo lokitetet tomakus: ido alemuni etau lokamoru kawatekus, kainakinete etau loka akiriŋ.

—Esekiel 36:26

Arai ijenete ebe edolit ŋesi, kojenut ebe ŋin kere yeniswamai nukadolit ŋes eurit. . . . Kijeni ebe ŋin kere yeneurio kama ejai Edeke mam ediakari, konye loeurio kama ejai Edeke ericit ŋes, mam lokaronon etirori ŋes.

—1 Yokana 2:29; 5:18

Kanuka ŋun, arai ejai ituŋanan kotoma Kris-to, arau isubat yenikitetet; atuboros nukolo; koany, araut nukitetiak. —2 Ikorinton 5:17

Koboŋok Yesu kotema ŋes atiar, Abeit, abeit, katemari jo atiar, Arai mam ituŋanan eurio nakiareit, mam epedori aanyun ajakanut naka Edeke. —Yokana 3:3

Konye aponi kilotar, konye aponi kitalaun, konye aponi kitojoki araut luidolito, kokiror loka Ejakait Yesu Kristo, kotoma Emoyo da loka Edekewok. —1 Ikorinton 6:11ii

Naarai aponi kourii yes irwan nakiareit, mere kikinyom luebosete, dimarai kalumam ebosete, kanuka akirot naka Edeke naejari naeperonori.

—1 Petero 1:23

ATWANARE KOTOMA ADIAKAR— AJARUN NEPEPE KA KRISTO

Ido kitajaru yes da, lukolo itwakito kanuka akusiibucanareta ka adiakanareta da, . . . kitonyou oni nepepe kañes, kisiboik oni nepepe kañes aiboisio nuka akuj kotoma Kristo Yesu.

—Ipeson 2:1 ka 6

Abu ñesi elopet kibwok adiakanaretawok kuanake kokitoi, tetere nakidaunia atwanare kama ejaas adiakanareta, kajarata mama ejai adolit. Imacarinike kes kitañaleunete yes.

—1 Petero 2:24

Aso arai kitajarunitai nepepe ka Kristo, komoenenete nuejaas kuju, neejai Kristo, iboie kakan nakoteten naka Edeke. Koomoomoete nuejaas kuju, kwabo mere nuejaas akwap. Naa- rai ipotu kotwaka, ibwaitai da akusijjar nepepe ka Kristo, toma Edeke. —Ikolosain 3:1-3

Dul da lueraas luka Kristo Yesu apotu kibubukis akuan nepepe ka aiñobeleke ka eimielike da. Arai kijari kotoma Omoyo, kalosenenete da kotoma Omoyo. —Igalatian 5:24, 25

Madi akuj! Oni lukitwaka kama kadiakar ki- kwaikini ai kiriña kibusi kotomaken? . . . Yes da kwape kwañin koomito bonik araut lukatwak kama ejai adiakar, konye ikajarak mama ejai Edeke kotoma Kristo Yesu. —Iromayon 6:2 ka 11

AIJAR NAKA IKAR KERE

Naarai yeneyeikini akuanake, esaki aibos; konye yeneyeikini Emoyo, esaki aijar naka ikar kere.

—Igalatian 6:8

Kwape kolo kikajakinia Musa emun kamodinj, ibusakinit Okoku loka etuñanan da aikajakinio kwape kwañin: tetere ḥinituñanan yenyuuni ḥes kojaas kaijar naka ikar kere.

—Yokana 3:14, 15

Aijar namam edaun ḥes na ebe, kojenutu jo Edeke ediopet lokabeit, ka Yesu Kristo lokiju-kuni.

—Yokana 17:3

Yenyuuni Okoku ejaas kaijar naka ikar kere; konye yenimam erima Okoku mam eanyuni aijar, konye esalakini ḥes anyunyura naka Edeke.

—Yokana 3:36

Naarai eropit loka adiakar ḥes atwanare, konye ainakinet naka Edeke erai aijar naka ikar kere kotoma Kristo Yesu Ejakaitiwok.

—Iromayon 6:23

Abeit, abeit, katemari yes atiar, Ḥin yeniirari akakirot ka aiyuun ḥol lokejukuni, ejaas kaijar naka ikar kere; kwabo mam elomari toma atubokinio, konye anyou kotoma atwanare aloma aijar.

—Yokana 5:24

AITIGOGONIO NAKA AITAJARIO

Emoyo elopet itejenikini imoyonowok ebe kira i idwe luka Edeke. —Iromayon 8:16

Yenejai Okoku, ejai da aijar; yenemamei Okoku loka Edeke emamei aijar. Kewadikak yes nu tetere ijenete ebe ejai yes aijar naka ikar kere, ɳul luiyuunito ekiror loka Okoku loka Edeke.

—1 Yokana 5:12, 13

ɳin yenejaas kakaicorakineta, koricite da kes, ɳin ɳes kamina eoɳ: ɳin da yenikamina eoɳ, eminuni Papaka, eoɳ da aminuni ɳes ka atakanikin mamake.

—Yokana 14:21

Eraun aswam nakaadolit ainapakin; ido eya-uniadolit aiyamakina ka aicasit ikar kere.

—Isaia 32:17

Ido naarai iraas odwe, abu Edeke kijuk Emoyo loka Okokuke otauonowok, loiworoi ebe, Abba, Papa!

—Igalatian 4:6

Kana ɳes kijenunia ebe kisalit tomaken, ka ɳes da tomawok, naarai abu koinak oni nuka Emoyoke.

—1 Yokana 4:13

KRISTO NES EYAUNI AIYALAMA

Konye kwana abuni mamakon; enera akiro nu toma akwapin, tetere ejaunete kaiyalamaka naedolit kotomakec.

—Yokana 17:13

Konye eoŋ kaanyuni yes bobo, elelete ikusi-tauon, emamei yenikidemari akusiilel.

—Yokana 16:22ii

Naarai ajakanut naka Edeke mere ainyam ka aimat, dimaraiadolit ka ainapakin ka aiyalama da kOmoyo Lokalaunan.

—Iromayon 14:17

Kanuka ŋun ŋes iriseneneoto aki pi kaiyalama kotoma atanin nuka aitajario.

—Isaia 12:3

Aponi kebubukin nepepe ka Kristo; konye ajari, kwabo mere bobo eoŋ, konye ejari Kristo kotomakan; aijar da naajaria kwana toma akuan, ajari toma aiyuun Okoku loka Edeke lokamina eoŋ, lokijaikin bon da kanukaŋ.

—Igalatian 2:20

Kalimokis yes akiro ŋun tetere ejaun aiyalamaka tomakus, kitodolikinoi da aiyalamakus.

—Yokana 15:11

Kitodianakini eoŋ erot loka aijar: neijai ijo ŋes aiyalama naitekoro; akanikon nakoteten ŋes ejaas nualakarito ikar kere.

—Isabulin 16:11

IBUSAKINIT ARIMARIT EJAKAIT

Konye arai mam ipupenenete eporoto loka EJAKAIT, kipaliikis aicorakinet naka EJAKAIT, ɻes itusurupio akan naka EJAKAIT yes, kwape etusurupio kolo lukapapaakus. —1 Samuel 12:15

Mam kerek ijenete ebe loijsaikinos bonik ari-mar kwape ibulesin, iraas do ibulesin luka ɻol kaloirimarito, arai adiakar naeyauni atwanare, arai bo arima naeyauni adulit? —Iromayon 6:16

Yes da luiticanio kisiyeñunio nepepe kasio, kotoma apukorio naka Ejakait Yesu naebunio kotoma akuj nepepe ka imalaikan luka akepedor, kotoma akim naesarani, inyanj kama ka-ñul lumam ejenete Edeke, ka ɻul da lumam eri-marito Akiro Nukajokak nuka Ejakaitiwok Yesu. Egelitikec ɻes amudiario naka ikar kere, enyounete kakonyen nuka Ejakait, ka aibuses naka agogoñuke da. —2 Isesalonikan 1:7-9

Konye abu EJAKAIT kanyunyurik eoñ kanukus, mam abu kapup eoñ: katema EJAKAIT eoñ atiar, Kililiñ; sirikiner bobo keoñ akirot ɻin. Kodoka ijo aidi naka Pisiga, kiteluo akonikonye to, ka agolitomei, ka eñalakimak, ka kide, koany kakonyekon: naarai mam idokari Yordan lo. Konye kodakak Yosua, kitogogoñ ɻes, kiticat. —Ikisila 11:26-28i

IBUS ALIMOR KRISTO

Ido kolimonori ɳiniŋajep ebe Yesu Kristo ɳes Ejakait, kitopolooritete Edeke Papa.

—Ipilipin 2:11

Aso ɳinituŋanan yenikalimori eoŋ kakonyen nuka ituŋa, alimori eoŋ da ɳes kakonyen nuka Papaka loejai toma akuj; konye ɳin yenikaŋeri eoŋ kakonyen nuka ituŋa, aŋeri eoŋ da ɳes kakonyen nuka Papaka loejai toma akuj.

—Matayo 10:32, 33

Naarai arai ilimori kaitukukon ebe Yesu ɳes Ejakait, iyuuni da kotaukon ebe abu Edeke kitajar ɳes kokatwak, kitajario. Naarai iyuuni ituŋanan kotauke kiton adumun adulit, elimori da kaitukuke kiton adumun aitajario.

—Iromayon 10:9, 10

ɳin kere yeneŋeri Okoku, emamei ɳin Papa. ɳin yenelimori Okoku ejai ɳes Papa da.

—1 Yokana 2:23

Naarai yenirumete ileic kanukaŋ, kanuka akakiro da, irumete ileic Okoku loka etuŋanan da kanukeŋ, naebunio kaibusesuke, ka naka Papa, ka naka imalaikan da lukalaunak.

—Luka 9:26

SATAN—LOKASURUP WOK

Kinyeis amer, kokwenyenenete. Lokasurupi-kus Satan irimirimi kwape eŋatuny loegat, emoot yenenyamari. —1 Petero 5:8

Abunore naka ŋol lokepali naismawai Satan ejaun kapedor kere, kaanyuneta ka nukaumokin da nukeŋalak. —2 Isesalonikan 2:9

Aitwekenyun akecekonye, tetere ibelokinos ainyein amuton kosesenata aica, ainyein da apedor naka Satan kosesenata Edeke, kosodete adumun aisionio adiakanareta, ka airumet kokidiŋ kaŋul kaluitalaunitai kanuka aiyuun naejai tomakaŋ. —Aswamisio 26:18

Kosodi Emoyo kitodoka Yesu amodiŋ tetere Satan ecoduni ŋes. Kosodi kotema Yesu atiar, Irwa, Satan; naarai iwadikatai ebe, Komaene-nei Ejakait Ekonideke, Kijaanakinenei ŋes bon. Kosodi kinye Satan ŋes; ido koany, kopotu imalaikan kijaanakis ŋes. —Matayo 4:1 ka 10, 11

Nukawasia, kojaas kagogoŋ toma Ejakait, kotoma ailerit naka agogoŋuke. Konapata lu-jiis kere luka Edeke, tetere ipedorete abwoikin ibotei luka Satan. —Ipeson 6:10, 11

AIPIKOR SATAN

Aso naarai imorikikinet idwe aokot ka awat, abu ɳesi da elopet komor kakes ejautenekec, ttere kanuka atwanareke emudiari ɳol loejai apedor naka atwanare, ɳes Satan.

—Iburanian 2:14

Yeniswamai adiakar erai yenika Satan, naari ediakit Satan ameun kageunet. Kanuka ɳun ɳes etakanunia Okoku loka Edeke, ttere emudiari aswamisio nuka Satan. —1 Yokana 3:8

Iŋai bo kitiaki oni kamin naka Kristo? Arai bo ican, arai aridakinio, arai areio, arai ebeli, arai amujalal, arai aronis, arai ekileŋ? Konye kotoma ɳun kere kipikori noi kanuka ɳol loki-mina oni.

—Iromayon 8:35 ka 37

Aso kononokikis Edeke. Kitepegata Satan, kikeri ɳesi da yes. Kikunyakis neejai Edeke, ɳes da ikunyuni mama ijaas. —Yakob 4:7, 8i

Kosodi konyet epukorio lokepali, eari Ejakait Yesu ɳes keiyenjane loka aitukuke, ka amudiar da kotoma atakanun naka abunoreke. Abunore naka ɳol lokepali naismawai Satan ejaun kape-dor kere, kaanyuneta ka nukaumokin da nuke-ɳalak.

—2 Isesalonikan 2:8, 9

AMINA NES AITEMIO KALOK'EYUNAN

Arai kener kañajepa nuka ituña ka nuka ima-laikan, kwabo emamei eoŋ amin, arai ibore ye-neruo arai aisinin nueruos tai. —1 Ikorinton 13:1

Konye araito nuka Emoyo kes nupenu: amin, aiyalama, ainapakin, atitiñikin, asianut, ajokis, aiyuun, aiyapepera, aitikokina.

—Igalatian 5:22, 23i

Kolimok bobo nakiareit ebe, Simon, okoku lo-ka Yona, kimina eoŋ? Kotema ŋes atiar, Eebo, Ejakait, ijo ijeni ebe kamina. Kotema ŋes atiar, Kipisenenei akamerekekin. —Yokana 21:16

Arai kiminas eoŋ, iricete akaicorakineta.
—Yokana 14:15

Arai inera ituñanan ebe, Amin Edeke, kolaite da onaceke, erai ikeñalan. Naarai yenimam emi-na onaceke loeanyunit, mam epedori amin Ede-ke lomam eanyunit. —1 Yokana 4:20

Kanuka ŋun ejenunete ituña kere ebe iraas yesi ikakesisiak, arai iminanaros bonik.
—Yokana 13:35

Kijeni oni ebe kipou kanyoutu katwanare alomar aijar, naarai kimina iinacan. Yenimam emin esalit toma atwanare. —1 Yokana 3:14

AJARUN NAKA YESU KRISTO

Kirai isio ikajenak luka akiro kere nukiswamai ɻesi kakwap naka Iyudayan, ko Yerusalem da; koarata ɻol kaikajakin okitoi. Abu Edeke kitajaru ɻes kapaaran nakiwuniet, koinak ɻes aitodiario; mere kotuña kere, konye mamakosi luabu Edeke koseu sek araut ikajenak, luki-nyami ka aimat da nepepe kañes kedau ajarun kokatwak.

—Aswamisio 10:39-41

Nakedaunia ajarun tupuruc apaaran nasodit nakasabato, kisiau aitakanikin Mariam Magdalene, nakolo kireñeari ɻesi ajokin akanykaarei.

—Marako 16:9

Ketuboros apaarasia akanykauni kojaas bobo ikekessiak togo, kojai Tomas da nepepe kañes. Kegolol ikekia konye kobu Yesu kobwo kolidiñikec, kotema atiar, Kinapakinos. Kosodi kotema ɻesi Tomas atiar, Koyau ne ekonibokorit, koany akakanin; koyau da akonikan, kibwaik toma amaranaka; kwabo sirikiraun lomam iyuunit, dimarai loiyuunit. Koboñok Tomas ebe, Ekajakait, Ekadeke da!

—Yokana 20:26-28

Lokeinakinio kanuka aibucanaretawok, kita-jarunai da aitojok oni araun luedolito.

—Iromayon 4:25

AJARUN WOKO NES AMUNO NAKAIBUSES

Sirikiwumokis akiro nu; naarai ebunit esawa, loiirariata ituña kere luejaas toma atesin ekeporoto, elomunete; ɳul luiswamato nuejok mama ejai ajarun naka aijar; ka ɳul da luiswamato nueroko, mama ejai ajarun naka atubokinio.

—Yokana 5:28, 29

Arai bo mam ijenete ebe oni kere lukibatisatai kotoma Kristo Yesu, aponi kibatisai kotoma atwanareke? Aso aponi kidaai nepepe kañes kanuka aibatis kotoma atwanare, tetere kwape kitajarunere Kristo kokatwak kanuka aibuses naka Papa, kwape kwañin oni da kilosenenei kaijar nakitetet. Naarai arai kirotakinittai kañes kotoma aput naka atwanareke, kwape kwañin kirotakinio kotoma aput naka ajarunike.

—Iromayon 6:3-5

Konye arai ejai Kristo kotomakus, . . . konye ejarete ikusimoyon kanuka adulit. Konye arai iboie Emoyo loka ɳol lokitajaruni Yesu kokatwak kotomakus, ɳol lokitajaruni Kristo Yesu kokatwak einakini da akusiwat nuetwakete aijar kanuka Ekemoyo loiboie kotomakus.

—Iromayon 8:10, 11

ALAUNIT KAMA EJAAI EJAKAIT

Ainakin oni ketajarunos kakan naka lukasurupowok, kejaanakis ŋes komam kikuriaka; kotoma alaunit ka adolit kakonyeneke apaarasia kere nuka aijarawok. —Luka 1:74, 75

Aso luminan, naarai kija kaisumuneta ŋun, ketesegaaros kotoma asilianut kere naka akuan ka naka emoyo da, ketodoloto alaunit kotoma ayonit Edeke. —2 Ikorinton 7:1

Abeit eoŋ ebatisai kakip kanuka aitoronikin: konye loebuni atupakin eoŋ ketelekarit eoŋ agogoŋ, mam kebusakinit akodit akemuk; kibatisai ŋol yes kEmoyo Lokalaunan, ka akim. —Matayo 3:11

Kwape kolo esiaunia Edeke Papa ajenun, kotoma aitalaunio naka Emoyo, kiton arimanut ka abwatakinio aokot nuka Yesu Kristo.

—1 Petero 1:2i

Aso arai itesegaar ituŋanan kaŋun, eraun ibore yenika aibuses, yenitalaunitai, yenibusakinit ejakait aitwasam, yenitemonokinitai ŋiniswam naejok. —2 Timoteo 2:21

Konye kwape eraar lokinyarit yes lokalaunan, koraut yesi da lukalaunak koponesiokus kere. —1 Petero 1:15

ALAUNIT KAMA EJAAI EJAKAIT

Kanuka ɻun Yesu da, abu korieba kokiña ke-rute, tetere italauni ituña kaokotoke elopet.

—Iburanian 13:12

Kwape abu koseunia oni kotomakeŋ eriña ke-pesikina akwap, tetere kirauni oni lukalaunak, luemamei aitoronet da, kakonyeneke kotoma amin. Konapata da etuŋjanane lokitetet, lokesu-bio toma aput naka Edeke, tomaadolit ka alaunit da naka abeit.

—Ipeson 1:4; 4:24

Ejaun da erot lokapolon kañina, erot, emaiki-nio Erot loka alaunit; lumamelaete mam itore-te nen; konye eraun loka kwi ikalotok, eebo, ibaŋiok mam epaarete nen.

—Isaia 35:8

Arai kilimori adiakanaretawok, erai ɻesi lo-munot ido loedolit, isioniei oni adiakanareta, itesegari da oni kama kamamusadolit kere.

—1 Yokana 1:9

Aso naarai ecalaros iboro ɻul kere kwaŋin, ibusakinit yes ajaun biai kotoma oponesio luka-launak ka ayoňit Edeke.

—2 Petero 3:11

Kotupata ainapakin nepepe kituña kere, ka alaunite da, neemamea ɻin emamei yeneanyuni Ejakait.

—Iburanian 12:14

ITUNJA LUILELEBA EMOYO

Aso arai yes lukaronok ijenete ainakin ikusi-dwe ainakineta nuejok, mam kerekä itelekarit noi Papakus loejai toma akuj ainakin ɳul luilipete ɳes Emoyo Lokalaunan? —Luka 11:13

Nakedauniata ailip, kitamaranai aibois kama ketukonokina; kilelebunos kere Emoyo Lokalaunan, kinerata akirot naka Edeke katitiŋ.
—Aswamisio 4:31

Ebwaijini ekamoyo tomakus, ketoloto koki-silaka, ido iricete ikatubesa, kiswamata da.
—Esekiel 36:27

Konye arai iboie Emoyo loka Edeke kotomakus, mam ijaas toma akuan dimarai toma Omo-yo. Arai da emamei ituñanan Emoyo loka Kris-to, mam ɳin erai yenike. —Iromayon 8:9

Konye idumunete agogoŋ kedau Emoyo Lo-kalaunan adoikin yes; iraunete yesi ikakajenak.
—Aswamisio 1:8i

Naarai kerai etuñanan loejok, loeleleba Emoyo Lokalaunan ka aiyuun. —Aswamisio 11:24i

Kilelebunos ikesisiak aiyalama ka Emoyo Lo-kalaunan.
—Aswamisio 13:52

AISUMUNETA NUKAUMOKINI MAMA EJAAS IKIRISITAYON

Eapie EJAKAIT kaneejaas ɳul kere luebilil itauon, itajari ɳul luejaas emoyo loitoronikina.

—Isabulin 34:18

Naarai ebala EJAKAIT ebe, Akakan ɳes asubi ɳun kere, aso kwaŋin ejaunos iboro ɳul kere: Konye yen ɳes ituŋanan yenaseseni eoŋ, ɳin ye-nitasono, yenikemoyo loitoronikina, yenemara-ni kakakirot.

—Isaia 66:2

Kotema Yesu ɳes atiar, Arai ipedori! Epedo-rio kere kama ejai yeniyuunit.

—Marako 9:23

Luminan, siriwumokinete aitemio naka akim nakibunokinit yes, bala kidoik yes ibore yeni-kaumokin. Konye kiyalamasi naarai imorete aisiriebio naka Kristo, tetere naepukorere da akeibuses, iyalamas kailel naepol.

—1 Petero 4:12, 13

Emwatari akiyo kere kakonyenekec, mam bobo ejaun atwanare, karaida akuudian, karaida aimony, karaida ariebo, mam bobo ejaunos; naarai atuboros nusodit.

—Apukokinio 21:4

Komunonena EJAKAIT, kiswamaenenei nue-jok; Kiboienenei kakwap, kotupenenei amuno-nut.

—Isabulin 37:3

AISUMUNETA MAMA EJAAS LUECODUNIO

Aso naarai abu ɳesi da elopet korieba ecoduno, ɳes epedoria aiɳarakin ɳul luecodunio.

—Iburanian 2:18

Edeke da loka ainapakin idecideci Satan atipet kwap kakejenekus. —Iromayon 16:20i

Ipu aicaneta nuka ikadoliton: Konye eyuuni EJAKAIT ɳes kotoma kaɳun kere.

—Isabulin 34:19

Arai itori toma akipi, ajaenena kajo; toma ocorin, mam kiraparete: Arai itori toma akim, mam kinomori; mam eiriani akim kama ijai.

—Isaia 43:2

Kijeni ebe iswamaete iboro kere nepepe kanuka ajokis mama ejaas ɳul lueminasi Edeke, ɳes atemar ɳul lukenyaraunio kanuka alosikiniteke.

—Iromayon 8:28

Emamei acodunet nakidoikini yes, namam erai naka ituɳa kere. Konye erai Edeke lomunot, mam ejalakini yes acodunio adepar nuipedorete, konye nenipe kacodunet itemokini neekuiyanara, tetere ipedorete atitiŋikin.

—1 Ikorinton 10:13

AISUMUNETA KALUIPIKORETE

॥ Nin yenipikori, etarauni ɳes epir kotoma oye-kalu loka Edekeka; kwabo mam cut elomari ki-ɳa; eoɳ da ewadikakini ɳes ekiror loka Edekeka, ekiror da loka ere loka Edekeka, ɳes Yerusalem lokitetet loijesuni abunore kotoma akuj kama ka Edekeka, ekirorika da lokitetet.

—Apukokinio 3:12

॥ Nin yenipikori itanapio kwaŋin inapen luka-kwaŋak, kwabo mam cut amwatari ekekiror koitabo loka aijar; eoɳ da alimori ekekiror kakonyen nuka Papaka, kakonyen da nuka imalaikanake.

—Apukokinio 3:5

॥ Nin yenipikori, ainakini ɳes aiboi nepepe keoɳ oicoloŋoka, kwape abu kepikoria keboikin nepepe ka Papaka oicoloŋoke. —Apukokinio 3:21

॥ Nin yenejai akit, kopup nuelimokini Emoyo ikanisan. Nin yenipikori ainakini ɳes ainyam araito nuka ekitoi loka aijar, loejai Paradais loka Edeke.

—Apukokinio 2:7

Yenipikori irumi ɳun, araun eoɳ Ekedede, ɳes da eraun okokuka.

—Apukokinio 21:7

INERA EDEKE MAMAWOK KANUKA AIREN ANOR

Ecorakini luedukokina, kwabo mere eoŋ, dimarai Ejakait, ebe, kinyek aberu aisac okilenike. Konye arai esaci, kosal mam edukokina, arai bo kopuco kokilenike. Bobo da kinyek ekiliokit aireŋear akeberu. Irotakinio aberu kokilenike apak kere naejaria ŋol. Konye arai ketwana okilenike, eosikinitai adukokin loekot, konye toma Ejakait. —1 Ikorinton 7:10, 11, 39

Naarai eenito ikisila aberu naemanyitai eroko okilenike ejari; konye ketwana ekiliokit, eosikinitai ŋin kokisila luka okilenike. Kanuka ŋun enyaraao naadote arai kedumun kecekiliokit, apak naeriar okilenike ejari. Konye arai ketwana okilenike, eosikinitai anyoun kokisila —Iromayon 7:2, 3

Νolituŋanan loereŋeari akeberu komany ace adotear, ŋol da loemanyi nakireŋeari okilenike adotear. —Luka 16:18

Konye eoŋ katemari yes atiar, Νolituŋanan loireŋeari akeberu, dimarai kanuka adotear, esidotea ŋin: ŋol da loemanyi ya naereŋearitai, adotear. —Matayo 5:32

ABONGUN NAKIYARET NAKA KRISTO

Arai kalot eoŋ aitemokin yes aibois, aboŋuni bobo kesukunyu yes mamakaŋ, tetere neajai eoŋ ijaikinos yesi da nen. —Yokana 14:3

Abuni eoŋ atipet; kikam yenijaatar, kinye ituŋanan kere ayaŋaar abokokon.

—Apukokinio 3:11

Naarai yenirumete ileic kanukaŋ kanuka aka-kiro da kotoma atur na naadote nakadiakana-ran, irumete ileic Okoku loka etuŋanan da ka-nukeŋ, naebunio rwaru kaibuses naka Papake nepepe kimalaikan lukalaunak. —Marako 8:38

Kosodi konyet etakanuni aanyunet naka Okoku loka etuŋanan kokuju; kosodete konyet ibworos atekerin kere nuka akwap, eanyunete Okoku loka etuŋanan ebuni kodouon luka akuj kapedor ka aibuses naepol. —Matayo 24:30

Kotitiŋonokinete yesi da, kiticata itauono-kus, naarai eapie abunore naka Ejakait.

—Yakob 5:8

Naarai kwape imiliaunia ageun kokide kota-kani kiton to; ikoni nen abunore naka Okoku loka etuŋanan. —Matayo 24:27

ABONGUN NAKIYARET NAKA KRISTO

**Kobalas ebe, Yes ikiliok luko Galilaya,
kanukinyo ibwoiata kosesenete akuj? Yesu ŋol,
loayañaar kamakus alosit toma akuj, eboŋuni
kopone kaŋope kaŋol loianyuniata ŋes elosi to-
ma akuj.**

—Aswamisio 1:11

**Kosodi konyet eanyunete Okoku loka etuŋa-
nan ebuni kodou kapedor ka aibuses naepol.**

—Luka 21:27

**Luminan, kirai kwana idwe luka Edeke, mam
ber etakan kwape kiraunor, konye kijeni ebe
naetakanunia ŋesi kiputori oni ŋes, naarai kia-
nyuni ŋes kwape ejaar. ɻin kere yenejai amun
ŋin, italauna kwape eraar ŋol lokalaunan.**

—1 Yokana 3:2, 3

**Koany, abuni kwape ekokolan! Isirerenitoi
yenekwenyi, koricite ikenapen, kinyek alosit
imujalal, kinyeis ituŋa da aanyun ileicike!**

—Apukokinio 16:15

**Yes da kokapakina; naarai ebuni Okoku loka
etuŋanan kosawa lomam iwomito.** —Luka 12:40

**Naarai ebuni rwaru Okoku loka etuŋanan ne-
pepe kikemalaikan kotoma aibuses naka Papa-
ke, kosodi etacakini ŋinituŋanan kwape ejaatar
akeswamisio.**

—Matayo 16:27

AKIROT NAKA EDEKE

Edaunos akuj ka akwapin; konye akakiro mam edaunos cut. —Luka 21:33

Naarai emamei akirot nakedwaritai kakote naka itujanan, konye enerenenasi ituja nukepote kama ejai Edeke kodoikinite Emoyo Lokalaunan.

—2 Petero 1:21

£inikirot naiwadikatai naiyejakit Edeke ejai ajokis aisisianakinia, aikwenyaria, aitetenia, ai-tuutooria da tomaadolit. —2 Timoteo 3:16

Akonikirot jes atala naka akejeka, aica da nakosokotoka. —Isabulin 119:105

KILIPA KISIONIETE

Aso kilipenenete yesi kwanata: Papakosi loejai toma akuj, ekonikiror kitalaunai. Akonikanut kobu. Nuikoto kiswamai kakwapin kwape iswamaere kotoma akuj. Koinakinai sio lolo ikosinyamat luka lolo. Kisionioi sio akosipesenin, kwape kisionio isio lukapeseninikosi. Sirikiya sio toma acodunio, konye koyuunai kama ejai lokaronon. Naarai arai isioniete yesi luce akeceibucanareta, Papakus da lokotoma akuj kisionie yes. Konye arai mam yes isioniete luce akeceibucanareta, Papakus da mam kisionie yes akusiibucanareta.

—Matayo 6:9-15

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

11-24

Read booklets online or by App
www.wmp-readonline.org



218/2 Ateso HFA